



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

26. Dies Octob. Esto tu Dei, & Deus erit tui. S. Cyprianus sermon. de
Ascens.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Octob.

Tessera.

851

ubi Magnates, & Proceres, non se conentur conspicuos reddere, Bombycum exuviis? Quid, quod ipsæ Deo consecratæ aræ, & qui ad aras faciunt, splendeant illarum filis, seseque faciant conspicuos? in rerum natura, mirabilissimum est omnium mirabilium, natura animalium. Quis hic non submittat cristas, dum videt se animalculis cedere, arte, qui illa præcedit mente? Itaque Bombycis stamina, Formicæ stabula, Apis ædificia, quæ excedunt omnium hominum artificia, sint tibi ad artes discendas stimuli, & calcaria.

Res valet, ars præstat, si res perit, ars mihi restat.

26. DIES OCTOB.

Esto tu Dei, & Deus erit tui. *S. Cyprianus sermon, de Ascens.*

Amoris
indoles.

Solo amore Dei, totus sis Dei, & Deus tui. Quisquis amat, sibi moritur, & vivit alii, aut alibi. Fateatur hoc quidam amator. *Ubi sum, ibi non sum: ubi non sum, ibi est animus.* Etenim cum respondeant sibi amantes, ille in isto, & iste in illo commutatis spiritibus vivunt. Alter alteri, uterque utrique traditur, uterque ab utroque accipitur. Servus, qui suus non est, nihil habet suum. *Ista est solertia, illa industria amoris: Servitutem, vulgi opinione infamem, & probrosam, reddit ingenuam, & gloriosam, imò facit locupletem, & dominantem; unde illa servite, & mori, quæ censentur horribilia, in amore sunt sancta, & illustria nomina, sunt sine damno, imò cum lucro.* Amans fateor est servus, nec ullus magis est servus, sed

H h h 2

servus

servus est liber. Est item captivus, sed ingenuus captivus. Habes qui hoc fateatur Doctorem rectè amantium, Magistrum gentium : (a) *Ego Paulus vinctus Christi*. Cui gloriosius erat esse vinctum Christi, quàm Monarchiam mundi. Est ergò amans captivus, sed sua libertate, quid enim liberiùs Voluntate? Ex illa nascitur amor. Est & Dominus, licet alienus; & quamvis non sit sui juris, se possidet & secum possidet alium. Uterque se possidet, non in se, sed in altero. Dum amas te amantem, perderis in te, sed reperiris in alio, qui de te, non de se cogitat. Sic per te, & à te amissus, restitueris in altero te, qui te letet, dum te perdit. Adhuc restat miraculum. Postquam à te perditus redimeris ab amico amato à te, & amante tui, per hunc ipsum te possides. Tum si per hunc medium te possides, priùs hunc possidebis, quàm te: quare proximior illi, quàm tibi eris; nec enim ad te recedis nisi per illum.

II. O novum captivitatis ritum, esse Dominum triumphatoris sui! ô inauditum mancipii genus, esse Regem heri sui! Unusquisque amantium, longinquior à se est, quàm ab altero: vicinior alteri, quàm sibi. Quid mirum, si in se non sit, sed in alio, mortuus sibi, redivivus alii. Amans itaque, dum se negligit, in se perit, & perditur: resurgit tamen, & invenitur. Primum in amato, dum nihil nisi de illo cogitat. Secundò suscitatur & resurgit, dum noscit se ab amato amari, & in eo vivere. Advoca nunc integerrimos arbitros, consule justissimos rerum taxatores, qui æstiment jacturam tui, cum te, & Deum perdisi si ames, & non Deum. Quanti Deus sit habendus,

(a) *Ephes. 3. 1.*

etiam qui offendunt, docebunt. Quanti te debeas habere, roga superbos, pessimos, licet sui arbitros, se non virtute, non animo æstimantes, sed vilissimâ sui parte. Ex his jacturam tui, & Dei æstima. At si amas Deum, quam immensum inde tibi lucrum: quia te dando Deo accipis Deum, & te in Deo. Tibi moreris, reviviscis Deo, & tibi: te amittis, & inveneris in Deo, sic ergò si tu sis Dei, Deus erit tui: atque ita nunquam magis eris tuus, quàm dum eris Dei, & non tuus. Prò felicitatem felicissimam! tuam vitam fragilem, & miseram, commutare pro Divina, & recuperare tuam. O pretiosam mortem amoris, & iustorum, qua emitur Divina vita, & reparatur humanâ! ô ratam rescissi contractus legem! ô gratuitam commutationem, quod te dederis, accipere Deum, & te!

III. Quid ergò miser, & amens amas alia præter Deum? Minus te est, quidquid amas in terra, aut sub terram natum, Amas aurum? Ferreus est ille amor: adeoque dicere potes ego vinctus auri, quia Aurum victor est tui: & sic cum tuo auro vivis ferrea sæcula, quia unus dies, ob magnitudinem cordii, est unius sæculi facies. Dum ergò amas illas purpuratas fœces Fortunæ; nunquam eris magis fortunatus; quia tradis te non reddituris, non compensaturis. Egenus manes hoc amore: nam postquam te dederis, nunquam restitueris: & cum omnia tibi videberis possidere, pauperrimus sine omnibus, & sine te manebis. Quis egentior, quàm tui? solus, & alienus simul, & sui ipsius (ut dixi) esse potest, qui soli se illi dedit, qui ideo solus est omnium, quia solus est omnia. Egregiè de egregio Dei amore, dum suis

Hhh ;

omni-

omnibus perfectus est numeris, dixit Isaac apud
 Cassianum. *Tunc Dei perfecta dilectio, quæ prior illi
 nos dilexit, in nostri quoque cordis transferit affectum.*
*Ecce, cum omnis amor, omne desiderium, omne studium,
 omnis conatus, omnis cogitatio nostra, omne quod volu-
 mus, quod loquimur, quod speramus, Deus erit. Hoc
 demum est esse Dei, & quod sequitur, sui. Omni-
 nam posset cor nostrum eructare verba illa bona
 quæ olim tota jam Dei, D. Scholastica, quædam
 amantium Dei schola. Sic ipsa. *Nescio quid mihi Deus
 fecerit, sed scio, quod nihil possum amare præter ipsum
 in hac miserâ vitâ. Nihil amare in terris præter
 Deum, est fabricari sibi in terra cælum. Hoc tribu-
 spondeat.**

Ut sis ipse tui, sit Deus ipse tuus.

27. DIES OCTOBRIS.

Stans in terra, in cælo es, diligis Deum. *S. Augustinus
 in psalm. 85.*

Amantis I.
 Deum fe-
 licitas.

ETIAM in terris, Amor est fabricator
 cæli. Miraris Amorem fabricatorum
 Filius Dei, olim dictus (a) fabricator
 filius, Amoris Divini est Pater. In
 cælo nulla est tristitia, sic nec in terris, amantibus
 Dominum cæli, Habeo hujus rei fidei iustorem
 D. Nicolaum Tolentinum, *si fieri potest, ut bonum
 qui servit Deo propter Deum, possit esse Melancholicus
 in hoc mundo?* Exulat omnis melancholia, in
 Divini Amoris Monarchia. In cælo torrens vo-
 luptatis: hoc torrente etiam hic potatur, qui quæ-
 est sitiens Charitatis. Testem cito hujus Veritatis
 D. Scholastica

(a) *Matth. 13. 55.*